

浙江圖書館



浙江圖書館




浙江圖書館



浙江圖書館



浙江圖書館



浙江圖書館

海昌外志

人物志

地以人重得其人僻壤亦舞魯也吾寧山水率露幸潮汐日滿泮
而上風氣不散自江左來白駒之節光動雲蘿迨於唐宋才賢踔
厲黼黻皇猷南渡時神理欲盡而生氣不衰
皇朝張天綱以羅之俊民應運而興經濟文行卓乎可紀豐玉荒
穀各有攸當即彼方技列女玄釋之流要有獨至毋或遺之矣作
人物志


儒林

梁

析

江

戚衮字公文祖顯齊給事中父霸梁臨賀王府中兵叅軍衮少聰
慧游學都下受三禮於國子監助教劉文紹一二年中大義畧



東林談薈編木著



備年十九梁武帝策問秀茂以周禮禮記義登高第除揚州祭
酒從事令就國子博士宋懷芳質儀禮懷芳北人自魏攜儀禮
禮記疏秘惜不傳及將亡謂家人曰我死後戚生若赴便以儀
禮禮記本付之若其不來即隨屍而殯為儒者推許如此尋簡
太學博士簡文帝在東宮召袞講論常宴集玄儒之士先命道
學互相質難次命中庶子徐摛駢騁大義問以劇談摛詞辨縱
橫難以荅抗諸儒懾氣獨袞與摛生復精采自若領荅如流簡
文深加歎賞尋除員外散騎侍郎又遷員外散騎常侍出為江
州刺史仍隨沈泰鎮南豫州泰之奔齊也逼袞俱行自鄴下遁
還又隨程文北伐呂梁軍敗袞沒于周久之得歸仍兼國子助
教除中衛如興王府叅軍大建十三年卒年六十三袞于梁代
撰三禮儀記值亂亡失

顧越字允南

陳書南思南

作所居薪坡黃岡世有鄉校由是顧氏多儒學

焉祖道望齊散騎侍郎父仲成梁護軍司馬豫章王府諮議叅
軍家傳儒業並專門教授少孤以勤苦自立聰慧有口辨厲精
舉業不舍晝夜弱冠游學都下通儒碩學必造門質疑討論不
倦至于微言玄旨九章七曜音律圖緯咸盡其精微時太子詹
事周捨以儒學見重名知人一見越便相歎異命與兄子弘正
弘直游聲譽日重會稽賀文發學兼經史與越名相埒都下謂
之發越初為梁南平王偉右常侍與文發俱入府並見禮重尋
轉行叅軍 誥颺勇將軍陳慶之送魏北海王灝還北魏慶
之請越叅其軍事慶之所向克捷直至洛陽灝遂驕縱文上下
離越料其必敗引疾歸裁至彭城慶之果見推衄時稱其見機
及至、除安西湘東王府叅軍及武帝撰禮制旨新義選諸儒
在所流通遣越還吳敷揚講說越徧該經深明毛詩傍通異義
特善老莊尤長論難兼工綴文閑尺牘長七尺三寸美須眉武

帝嘗于重慶雲殿自講老子僕射徐勉舉越論議越抗首而講
音響若鐘容止可觀帝深贊美之擢為中軍宣城王託室叅軍
領五軍博士仍令侍宣城王講大同八年轉安西武陵王府內
中錄事叅軍尋遷府諮議及侯景之亂越與同志沈文阿逃難
東歸賊黨教授以爵位誓不受命承聖二年詔授宣惠晉安王
府諮議叅軍領國子博士越以世路未平無心仕進因歸鄉栖
隱于虎丘山與吳興沈炯同郡張種會稽孔奐等每為文會紹
泰元年復徵天嘉中詔侍東宮讀除東中郎鄱陽王
府諮議叅軍甚見優禮尋領羽林監遷給事中黃門侍郎國子
博士侍讀如故朝廷草創疑義多所取決咸見施皇太
子嘗虛懷禮接越以宮僚未盡時彥且太子仁弱宣帝有奪宗
之兆內懷憤激乃上書言其故帝深感之而不能革及廢帝即
位拜騎常侍兼中書舍人黃門侍郎如故領天保博士掌儀禮

猶為帝朝夕講授甚見尊寵時宣帝輔政華皎舉兵不從越因

猶為帝朝夕講授甚見尊寵時宣帝輔政華皎舉兵不從越因請假東還或譖之宣帝言越將煽動蕃鎮遂免官大建元年卒于家年七十所著喪服毛詩老子孝經論語疏四十餘卷詩頌碑志牋表凡二百餘篇

唐

館

褚無量字弘度刻意墳典家臨平湖側有龍出人皆走觀無量尚幼讀書若不聞明經登第除國子博士兼司業修文館學士中宗南郊詔定儀典時祝欽明議皇后亞獻無量曰郊祝國之大事其折衷莫如周禮周禮冬至祭天圓丘不以地配惟以始祖為主不以妣配故后無預祭之文惟漢有天地合祭皇后參享事末代黷神事不經見不可為法

佐欽明

無量議格玄宗為太子釋奠國學令講經建端樹義博敏而辨進銀青光祿大夫及即位遷右散騎常侍兼國子祭酒封舒國

公與左

日入內侍讀每至閣門親迎送之

待以師傅之禮特為無量造腰與在內殿令內侍舁之五年正月將幸東都太廟壞姚崇謂太廟屋材皆苻堅時物不足異無量奏隋文帝富有天下遷都之日豈取苻氏舊材立太廟乎此特諛臣之言耳願陛下克謹天戒納忠諫遠謠諛不聽又言陛下所至名山大川古帝王賢臣在祀典者並詔致祭願到東都收序唐初建令功臣世絕者雖在支庶咸得承襲帝是之詔無量祠堯平陽內府舊書自高宗時藏宮中甲乙蒙倒無量繕錄補第以廣秘集詔於東都乾元殿東廂部彙整比無量為之使又詔秘書省司經局昭文崇文二館更相檢讐采天下遺書以益闕文不數年四庫潔治帝詔群臣觀書賜帛有差已徙書麗正殿復詔無量纂修前功皇太子諸王未就學無量進孝經論語上曰朕知之矣乃還

為太子諸王侍讀七年太子齒

語上曰朕知之矣乃還

為太子諸王侍讀七年太子齒

胄子學詔無量

觀禮八年春正月卒年七十五病困

語麗正書未畢為恨帝痛悼詔宰相曰無量朕師今其永逝宜

用優典贈禮部尚書謚曰文無量篤孝母

無量

號訴曰山林不乏忍犯

不復振觸無量為終

身不御其肉

宋

書

張九成字子韶其先開封人徙居錢塘至于益官幼穎甚八歲默

誦六經父積書坐傍命客就試公答如響且置卷斂衽曰精細

本末無二致勿謂紙上語不足多下學上達某敢以聖言為法

諸老驚歎目為竒童年十四鄉貢第一游京師從楊時學權貴

托人致幣曰肯從吾遊當薦之館閣九成歎曰王良尚羞與嬖

奚乘吾可為貴游客耶紹興二年上將策進士詔考官直言者

置高等九成對策畧曰禍亂之作天所以開聖人也今閣巷之

人皆有父兄妻子之樂而陛下貴為天子乃冬不得溫夏不得清昏無所定晨無所省感時遇物悽惋于心可不思

陛下以剛大為心毋驚憂自阻

成帝曰士人初進須別其忠佞九成

九成以類試廷策俱第一特進一官喻樗子才謂今歲進士張九成當第一凌景夏第二會風折大槐樗作二簡遺之授鎮東軍簽院大書屋壁曰此身苟一日之間百姓罹無涯之苦民冒讎禁提刑張宗臣欲逮捕數十人九成爭之宗臣曰此事左相封來曰主上屢詔恤公不體聖意而觀望宰相耶宗臣怒九成即投劾去登笈雲集九成遜辭不獲乃言曰幼而學壯而行大學平天下之道自格物入夫子不踰矩之道自志學入一心之所營即經綸天下之業一身之所履即綏定國家之事耳目乃禮樂之原夢寐乃居處之驗諸君亦深求而自得之以無

愧所學可矣出其門者多為聞人趙鼎薦于朝遂以太常博士
召既至改著作佐郎遷著作郎言我宗家法曰仁而已仁之發
見尤在于刑陛下以省刑為急而理官不以恤刑為念欲詔理
官活幾人者與減摩勘從時契樊光遠汪應辰連魁殿者帝問
為門人曰臣不敢以利祿之說誘門人惟知講明經術庶盡忠
孝尋除浙東提刑力辭乃與祠以歸未幾召除宗正少卿兼權
刑部侍郎法寺以大辟成案上九成閱始末得其情因請覆寔
因果誣服者朝論欲以平反九成曰職在詳刑可邀賞乎辭之
尋兼侍講進讀春秋因言日食之變本于惡氣惡氣之萌本于
惡念惡念所觸則日月薄蝕五星失次災及五穀怪妖迭見為
兵為火札瘥並至願陛下正心術以格天帝聳然曰當為卿戒
之嘗有所奏帝曰朕只是誠曰陛下對群臣如此退處禁中時
如何帝亦只是誠又問對宮嬪時如何帝方經營荅語曰只此

便是不誠帝嘗問易牛微事孟子謂是心足以王何也曰陛下
不須疑疑則心與道二不忍一牛仁心著見此則王道之端推
此以往華夷蠻貊根荻鱗介皆在陛下仁政中豈非王道乎又
問顓俊尊上帝對曰陛下之心即上帝也詔徠賢俊格非心于
未萌是乃所以尊之也金人議和九成語趙鼎曰金寔厭兵而
張虛聲以撼中國因言十事彼誠能從我則與和使權在朝廷
鼎既罷秦檜誘之曰且成檜此事九成曰某胡為異議特不可
輕易以苟安耳檜曰立朝須優游委曲九成曰未有枉己而能
直人者帝問和議曰敵情多詐不可不察因在經筵言西漢災
異事檜甚惡之九成見上面奏曰外議以臣為趙鼎之黨雖臣
亦疑之上問其故曰臣每造鼎見其議論無滯不覺坐久則人
言臣為鼎黨亡足怪也再章求去謫守邵州既至倉庫虛乏僚
屬請督酒租宿負苗絹未輸者九成曰縱未能惠民其敢困民

耶是歲租入更先它時中丞何鑄論其矯偽欺俗傾附趙鼎落
職丁父憂既免喪秦檜取旨上曰自古朋黨畏人主知之此人
獨無所畏可與宮觀先是徑山僧宗杲善談禪理從游者衆九
成時往來其間檜恐其議己會司諫詹大方言頃者鼓唱浮言
九成寔為之首徑山僧宗杲和之乞投遠方以為傾邪之戒編
置南安軍在南安十四年每執書就明倚立庭磚歲久雙趺隱
然廣帥致籛金九成曰吾敢苟且取悉歸之自號橫浦居士檜
死以秘撰起知温州戶部遺吏督軍糧民苦之九成移書痛陳
其弊戶部持之九成即丐祠歸數月紹興己卯卒嗟悼復敷文
閣侍制官其弟若子四人學者稱無垢先生所著尚書大學中
庸孝經論語孟子說無垢錄橫浦心傳行于世自贊曰不務尋
常怪異經術不師毛鄭孔王文章不法韓柳班揚論詩不識江
西句法作字不襲二王叅禪則不記公案為政又不學龔黃謫

在大庾嶺下十有四年歸來惟白鬚滿面而意氣尚是飄揚吐
其沒轉智底漢陰丈人而無處底楚狂接輿也與理宗寶慶
元年八月壬子詔張九成正色立朝有中興明道之功加贈太
子太師崇國公謚文忠宋史稱九成研思經學多有訓詁然早
有學佛者游故其議論多偏

朱文公雜學辨曰張公始學龜山之門而逃儒以歸于釋既自
以為有得矣而其釋之師語之曰左右既得欄柄入手開導之
際當改頭換面隨宜說法使殊塗同歸則住世出世間兩無遺
憾矣然此語亦不可使俗輩知將謂寔有恁麼事也見大慧禪
師與張侍郎書今不見于語錄中蓋其徒諱之也用此之效凡
張侍郎所論著皆陽儒而陰釋其離合出入之際務在愚一世
之耳目而使之恬不覺悟以入乎釋氏之門雖欲復出而不可
得本末意志畧如其所受于師者其二本殊歸蓋不特莊周出

于子夏李斯原於荀卿而已也竊不自揆常欲為之論辨以曉當世之惑而大本既殊無所不異因覽其中庸說詁掇其尤甚者十一二著于篇其他如論語孝經大學孟子之說不暇徧為之辨大抵匆遽急迫其所以為說皆此書之類也

國朝焦竑曰張子韶于性命極退徹其忠孝大節尤踔絕然其幼年是何等志操方處學舍衣衾不備夜讀書每至達旦富人或以衣物見惠力辭不受或不得已而受之即以予同舍之貧者嘗曰士處貧困正是用功時若不痛自節抑則貪戀必生庶恥盡喪功夫安在子韶吾輩稱為宗匠然亦嘗如此厲志否

談遷曰無垢先生于學有深悟而晦翁立辨之謂其禪也夫無垢之有大慧周濂溪獨不有壽涯乎經術官蹟生平亡愧而因一二交契遽為訾議亦苛矣學期有得雖禪何碍并叙其近禪者以俟博攷云子韶未第時因客談揚文公呂徵仲諸儒皆由

禪學而至心慕之聞寶印楚明禪師道傳大通居淨慈請問入
道之要楚明曰此心惟念念不舍久久純熟時節到來自然証
入復舉趙州柏樹之話令時時提撕久之無省辭謂善權清禪
師問此事人人有分个个員成是否清曰然曰為甚某無入
處清于袖中出數珠曰此是誰的公俯仰無對清復袖之曰是
汝底則拈取去才涉思維即不是汝底公悚然未幾留蘇氏館
一夕如廁以柏子話究之間蛙鳴釋然契入有偈曰青天月夜
一聲蛙撞破乾坤只一家正恁麼時誰會得嶺頭脚痛有玄沙
屈明謂法印一禪師機語頗契適私忌就明靜菴供雲水主僧
惟尚纔見乃展手公便唱惟尚批公頰公趨前惟尚曰張學錄
何得謗大般若公曰某見處祇如此和尚又作麼生惟尚舉馬
祖升堂百文卷席話詰之馬祖并堂眾才集百叙語未終公推
倒桌子惟尚大呼張學錄殺人公躍起問旁僧曰汝又作麼生

僧問措公歌之願惟尚曰祖彌不了殃及兒孫惟尚大笑公賦

僧岡措公歐之顧惟尚曰祖彌不了殃及兒孫惟尚大笑公獻
偈曰席卷因緣也大奇諸方聞舉盡攢眉臺盤趯到人星散直
漢從來不受欺從來高價不饒奇百戰場中奮兩眉奪角衝開
君會也叢林誰敢更相欺紹興癸丑魁多士復謁惟尚于東菴
惟尚曰浮山員鑑云饒爾入得浮陽室始到浮山門亦未見老
僧在公作麼生公叱侍僧曰何不祇對僧岡措公打一掌曰蝦
蟆窟裡果勝蛟龍丁巳秋大慧董徑山學者仰如星斗公閱其
語要曰是知宗門有人持以語惟尚恨未一見及為禮部侍郎
偶叅政劉公請大慧說法于夫竺公三往不值暨大慧報謁公
見但寒暄而已大慧亦默識之尋奉祠還里至徑山與馮給事
諸公議格物大慧曰公祇知有格物而不知有物格公茫然大
慧大笑公曰師能開喻乎大慧曰不見小說載唐人有與安祿
山謀叛者其人先為闍守有畫像在焉明皇幸蜀見之怒令侍

臣以劍擊之像首時閔守君陝西首忽墮地公聞頓領深旨題
不動軒壁曰子韶格物妙喜物格欲識一貫兩個五百大慧始
許可後守韶陽丁父艱遇徑山飯僧秉鈞者詆大慧議及朝政
遂竄大慧于衡陽會公居家守服服除安置南安丙子春蒙恩
北還道次新淦而大慧適至與聯舟劇談宗要未嘗語往事蓋
先生之游禪門本末如此朱氏辨為雜學夫先生果雜乎哉仲
尼不以老聃累先生乃以大慧累也不得不詳其說

施德操字彥執學有本末主孟子排釋氏曰絕人倫漫等級棄禮
樂仁義不用謂能躡造空無此其勝處概之以道尚自倒易况
又飾荒幻報應誑愚取資則尤為世蠹因著論以曉末俗作孟
子發題曰孟子有大功四明浩然之氣道性善闢楊墨點五霸
而尊三王皆前聖之所未言六經之所不載有功於名教終身
不要學者稱為持正先生張九成曰吾友施彥執工於詩一日

見其賦柳有春風兩岸客來往紅日一川鶯去留不見柳而柳
自在其中語亦工矣彥執讀杜詩至風吹客衣日杲杲樹攪離
思花冥冥而有得郎曄曰彥執與橫浦游從頗厚文章學問亦
其輩流也病瘵而沒識者悲之生平論纂甚富未暇哀錄
談遷曰持正先生學主孟氏而終身不娶孟氏不曰無後為大
耶先生要具獨見非敢輕議郎晦之謂論纂甚富今隻字不傳
悲夫

楊璿字子平安貧樂道不妄取與尤慎獨居暗室猶在康衢學者
稱謹獨先生淳熙四年令魏伯恂祠張子韶施彥執楊子平三
先生尚書陳大昌有記

明

董澐子澐徙居澈浦少慷慨慕義嘗割私產讓兄還友人所質田
且經紀其喪好吟詠至忘寢食家徒壁立不問晚從王陽明先

生講學盡棄其舊習人或非之澀笑曰吾自從吾所好因號從
吾道人沙門法聚亦游陽明門澀與結社海門寺叅証內典許
相卿曰始予見從吾子專于詩遺其家甚難之後志于道遺其
詩甚愧之終入于佛嗒然自遺也愈益怪之莫能窺己蓋從吾
子學三變卒歸于空將所吾者旦見為妄云澀臨沒時偈曰我
非汙世中者倂偶來七十七春秋自知此去無些染一道天泉
月自流澀詩集傳

從吾道人記

王守仁

海寧董蘿石者年六十有八矣以能詩聞江湖間與其鄉之業
詩者十數輩為詩社旦夕操紙吟鳴相與求句字之工至廢寢
食遺生業時俗共非笑之不顧以為是天下之至樂矣嘉靖甲
申春蘿石來游會稽聞陽明子方與其徒講學山中以杖肩其
瓢笠詩卷來訪入門長揖上坐陽明子異其氣貌且年老矣禮

敬之又詢知其為董蘿石也與之語連日夜蘿石辭弥謙禮弥
下不覺其席之弥側也曰吾見其世之儒者支離瑣屑修飾邊
幅為偶人之狀嘗不屑其所為以為世豈有所謂聖賢之學直
假道于是以求濟其私耳故遂篤志於詩而放浪于山水今吾
聞夫子忽若大寐之得醒吾非至於夫子之門則虛此生矣吾
將北面而終身夫子焉陽明子曰有是哉吾未有見此翁也今
之後生晚進苟知執筆為文辭稍記習訓話則已侈然自大不
復知有從師學問之事見有或從師學問者則開然共非笑指
斥若怪物翁以能詩訓後進從之游者徧於江湖盖居然先輩
矣一旦聞予言而棄去其數十年之成業如敝屣求北面而屈
禮焉豈獨今之時未見若人將古之紀載所傳亦未多數也夫
君子之學求以變其氣質氣質之難變者以客氣為患不能屈
下於人遂至自是自非飾非長傲卒歸于克頑鄙俗故凡世之

為子而不能孝為弟而不能敬為臣而不能忠者其始皆起于不能屈下而客氣之為患耳苟惟理是從而不難于屈下則客氣清而天理行非天下之大勇不足與于此則如蘿石固吾之師也而吾豈足以師蘿石乎與之探禹穴登爐峰陟秦望尋蘭亭之遺跡徜徉于雲門若耶鑑湖剡曲蘿石日有所聞益充然有得欣然樂而歸也其鄉黨之子弟親友與其平日之為社者或笑而非之或為詩而招之返且曰翁老矣何乃自苦若是耶蘿石笑曰吾方幸逃于苦海揚馨振羽雲霄之上安能復投網罟而入樊籠乎去矣吾將從吾之所好遂自號曰從吾道人陽明子聞之歎曰卓哉蘿石血氣既衰孰能挺持奮發若少年英銳者之為乎斯可謂之能從吾所好矣世之人從其名之好也而競以相高從其利之好也而貪以相取從其心意耳目之好也而詐以相欺亦皆自以為從吾所好矣豈知吾之所謂真吾

也而詠以相欺亦皆自以為從吾所好矣豈知吾之所謂真吾者乎夫父慈子孝忠信篤敬真吾之好也天下之所同好也將富貴貧賤患難夷狄無入而不自得斯之謂能從吾之所好也已夫子嘗曰吾十有五而志于學是從吾之始也七十而從心欲不踰矩則從吾而化矣蘿石踰耳順而始知從吾之學毋自為既晚也充蘿石之勇其進于化也何有

夜宿家弟栖碧堂

董灃

仙人袖出白芙蓉笑倚青霞倩我書風露一天衾枕淨蘋江六月草堂虛

嘉靖丙戌之除從吾道人自海寧渡江來訪因共守歲是夜風雪道人有作予因次韻為謝

王守仁

多情風雪勵三餘滿目湖山是舊廬况有故人千里至不知今夜一年除天心終古原無改歲事明朝又一初白首如君真洒脫恥隨兒女戀分裾

書扇

君家只在海西隈日日寒潮去復迴莫遣扁舟成大別爐峰明

月望君來

董穀碩甫澧之子正德丙子舉於鄉五試南宮不第嘉靖辛丑令

安義調漢陽廉靜不苟坐他忤歸好學工詩文安貧自怡從游

陽明先生門悟儒釋合一之旨所著豢龍子四存碧里前集後

集激水志

金陵焦焦大史竑曰國朝以道術著者不少至能世其學者心

齋之子東崖蘿石之子兩湖二家而已

性論畧

六合之內有萬不齊其前無始也其後無終也不得已求其情

狀惟一虛而已萬象冲塞于天地之間即是太虛舍萬象則無

太虛究其寔一性而已是性也至虛至靈即體即用生天生地

為人為物無終無始歷萬古不滅非不滅也子產所謂用物宏

為人為物無終無始歷萬古不滅非不滅也子產所謂用物宏而取精多則粘新帶舊情親境熟不能滅也人為物中之靈然亦非有一定之靈或自靈而蠢或自蠢而靈靈謂之善蠢謂之惡惡者以漸而蠢至于夷狄禽獸自夷狄禽獸漸靈而為人者亦有之善者以漸而靈至于大賢君子自大賢君子漸蠢而為物者亦有之萬種不齊無非此心之所成立自非同夫之聖脫盡習氣亡有能免焉者今人之所以不信者不悟死生之變與晝夜無異雖有久近即是一道理乃為目前景物所亂遂生虛寔有無之疑殊不知虛者固虛而寔者亦非寔也無者固無而有者亦非有也萬有皆虛無虛無生萬有惟心所運杳無端倪蓋不獨所性為然而貌之吉凶身之窮達命之延促亦皆此心之胚胎先儒不悟乃歸咎於氣質不知氣質之不美心寔為之無心則無氣質氣質亦是心之別名變化氣質者變化其心耳豈

氣質自能變化哉聖人言性相近習相遠相近者不同也相遠者亦不同也相遠之不同既由于將來之習則相近之不同安知不由於既往之習乎世有先後而功夫則一今世之功夫亦為來世之根柢故習于善則善而來世之進於善也益易習于惡則惡而來世之向善也愈難以是存心蓋不惟可以明性將見志益堅而修益力未見其詭于聖矣曰是則然矣極本窮源畢竟何以有善惡之異曰是亦可知也愚於釋典見其有顯識之論後讀文中子亦曰氣為上形為下識鄉其中于是信儒識釋無二道也夫識也者神識也即心性之別名也自其本體而言謂之氣自其成質而言謂之形自其虛靈不昧根柢品彙而言謂之性只一物也隨在而異稱蓋無聲無臭之體不能不聚而成形舍形亦無有所謂體矣形之所在知覺生焉故謂之曰心心之體段知而無知無知而知鑑空衡平原是無聲無臭則固無

得於性也惟其閱世既久應酬既熟則又轉而成識遂有無形

之體段知而無知無知而知體空衡平原是無聲無臭則固無
碍於性也惟其閱世既久應酬既熟則又轉而成識遂有無形
之形於方寸間能分別爾我記憶往事乃至夢中追思尋繹飛
揚變化曾無寧息人但知日用應酬計較利害博聞強記千貌
萬態曰此即心豈知已非本然之體矣或超凡入聖或認賊為子
皆此識為之識出於性而性不能命識由其自昧本體各成一
家耳然則相近之性其即有覺之心而漸離之識也與再加之習
寧不相遠然則治識之道若何曰性體本虛以虛治之而已識
出于無情則為善而上達識生于私意則為惡而下流大學誠
意貴于無欺正心戒于有所欺有所識斯為性病矣愈久愈
病則去人愈遠善惡之分如是而已或靈或蠢無非心所自為
而氣質奚罪焉性累氣質非氣質累性也曰然則人物之生于
天地間只有此數道徃徃來來而不絕乎孰主張是不亦太勞攘
乎曰無數也人物道塞弥滿于天地間雖有徃來即是天地之

化育天地之力亦不能外此而別有所生畢竟雖天地亦是此
虛靈建立而無寔體舍物則亦無天地矣天地亦一物也要皆
虛靈自生非真有一定之天地以生之然亦無典守之者佛氏
所云剗燒舂磨亦起于人心妄念妄成而非寔有妄念膠固自
生鬼見即成寔境而寔受之蓋各生于心則各求其類恩怨勝
負與平日無異皆由衷之發見豈有他哉蓋不惟幽冥為然今
人生于世自縲紲罔圖鞭笞殺僇以至安富尊榮飲食宴樂亦
皆妄心所作妄心自受而妄形無與也不然今已死之人其形
尚在加之刺割不復痛楚則生而知疼者誰與蓋陰陽晝夜幽
明死餘生原無二理此心之外孰為真寔者耶推而至于前代亂
離之際禾黍故宮蕭條千里春燕巢于林木此不但盛極而衰
寔由惡極而變亦是人心所致故幽明感應之道無有不本于
心者易曰精氣為物游魂為變記曰骨肉斃於下陰為野土其

心者易曰精氣為物游魂為變記曰骨肉變於下陰為野土其

氣發揚於上為昭明著蒿悽愴此百物之精也神之著也則其不散可見矣季札吳之賢公子葬於贏博而曰骨肉復歸于土命也魂氣則無不之也莊子林類曰死之與生一往一返故死於是者安知不生于彼賈誼能知鬼神之本者其鵬賦亦曰化為異類兮夫又何患此皆葱嶺未通中國之說已然矣又何疑哉

忠直

唐

顏真卿字清臣先瑯琊臨沂人五世祖之推北齊黃門侍郎始為

京兆長安人祖昭甫華州刺史父惟貞薛王友西浙名賢錄顏

藍官州判未及一年卒遺子必寧如孤遂家焉敦改州在元之

元貞州初隋唐開未嘗為州也昌何因為之判豈武德中藍官屬

州為藍官州耶真卿博學事親孝開元二十二年進士授監察御史使河隴決五原冤獄天久旱而雨都人呼為御史雨遷殿



中侍御史以揚國忠忌出為平原太守度安祿山必反因霖雨
增陴濬隍科丁壯儲倉廩日與賓佐泛舟飲酒以紓其疑及河
朔盡陷真卿以平原博平兵七千人防河津使叅軍李平馳奏
玄宗大喜曰河北二十四郡俱陷吾不識顏真卿作何狀乃能
如是耶時平原有靜塞兵三千益募得萬人李擇交統之誓師
泣下衆益感厲饒陽濟南清河鄆郡景城長吏各來附會都陷
賊黨段子光傳李愷盧奕蔣清首狗河北真卿恐衆懼詔曰吾
素識愷等其首皆非是乃斬子光藏三首他日結葛續體為位
哭之從兄常山太守杲卿斬賊將李欽奏等土門十七郡同日
自歸推真卿為盟主兵二十萬絕燕趙詔拜戶部侍郎尋加河
北招討採訪使用清河李萇計興兵六千出程千里之師遂捷
棠邑及賀蘭進明戰敗會平盧游奕使武涉劉客奴以渙陽歸
真卿欲堅其意遣判官賈載越海遺軍資十餘萬真卿時一子

纔十歲使詣客奴為質軍固請留之不從肅宗即位拜工部尚

纔十歲使詣客奴為質軍固請留之不從肅宗即位拜工部尚書賊益發兵乘虛急攻河北復陷真卿單身詣行在除刑部尚書兼御史大夫時待正議改馮翊太守轉浙西節度使召為刑部侍郎李輔國遷皇上西內真卿首率百僚上表問起居輔國奏貶蓬州長史代宗立累遷尚書右丞俄以檢校刑部尚書為朔方行營宣慰使說諭僕固懷恩真卿言以郭子儀代懷恩可不戰而服也未行留知省事封魯郡公元載議群臣白事宜先白長官長官白宰相詳可否以聞真卿力詆其壅蔽永泰二年貶峽州員外郎旬餘改吉州司馬遷撫州湘州刺史載誅楊綰常袞薦之即日還刑部尚書再遷吏部揚炎當國以抗直改太子少師猶領使進太子太師并使罷之時李希烈陷汝州遣別將取尉氏圍鄭州東都震駭初盧杞不悅真卿欲出之真卿曰先中丞傳首至平原真卿以舌舐面血相公忍不相容乎杞矍

然起拜而恨之益深因上問淮西事曰誠得儒雅重臣為陳禍
福可不勞軍旅而復顏真卿三朝舊臣忠直剛決名重海內可
遣也詔下宣慰希烈舉朝失色真卿之東都鄭叔則曰往必不
免宜少需湏後命真卿曰事不避難臣之職也君命其可違乎
至許欲宣詔希烈使卒千人繞罵露刃脅之真卿正色抗詞賊
黨奪氣乃幽之掘方丈坎於前示將死之真卿曰死耳何必多
端亟以一劍相與豈不快公心事耶拘送真卿於蔡州龍興寺
真卿遂作遺表墓志祭文指寢室西壁下曰此殯所也希烈僭
號遣問儀式曰老夫耄矣曾掌邦禮所覩諸侯朝覲儀耳興元
後王師復振賊將辛景臻積薪室前曰不能屈節當焚死真卿
起赴火賊止之會希烈弟希倩坐朱泚誅希烈怒曰使閹奴害
之稱詔賜真卿死真卿再拜曰老臣無狀罪當死然使者何日
長安來奴曰自大梁來真卿大罵曰然則賊耳何詔為時五年

八月壬寅縊死寺中曹王臯聞之泣下三軍皆慟帝廢朝五日
贈司徒謚文忠真卿正色立朝剛而有禮天下不以名氏稱獨
曰魯公善法書草隸絕世著述多不傳有集十五卷行世

許遠字令威舉進士辟署劍南府中忌貶高要尉遇赦以監察御
史將兵守土蕃安戎城安祿山反薦為睢陽大守至德二載張
巡舉兵至睢陽巡兵三千人與遠合兵六千八百人自以才不
及巡請稟軍事一切推決而專供兵糧戰具遠初積餉六萬石
虢王巨以其半給濮陽濟陰遠固爭之不能得被圍數月食盡
士多飢死存者皆夷傷氣乏遠殺僮僕饗士至羅者掘鼠煮鎧
弩以食衆議東奔巡計曰睢陽江淮保障也若棄之賊乘勝鼓
而南江淮必亡且卒飢衆行必不遠未幾城陷與巡俱被執時
安慶緒在洛陽尹子奇械送至偃師不屈死詔贈荊州大都督
子玫拜婺州司馬遠與巡同年生而長巡呼為兄德宗品至德

以來將相著者巡遠為上貞元中

論

韓愈

李翰所為張巡傳頗詳密然恨尚有缺者不為許遠立傳遠雖才若不及巡者開門延巡位本巡上授之柄而處其下無所疑忌竟與巡俱守死成功名城陷而虜與巡死先後異耳兩家子弟才智下不能通知二賢志以為巡死而遠就虜疑畏而辭服於賊遠誠畏何苦守尺寸之地食其所愛之肉以與賊抗而不降乎當其圍守時外無虬蟬蟻子之援所欲忠者國與主耳而賊語以國亡主滅懼之遠見救援不至而賊來益衆必以其言為信外無待而猶死守人相食且盡雖愚人亦能數日而知死處矣遠之不畏死明矣烏有城壞而其徒俱死獨蒙愧恥求活雖至愚者不忍為嗚呼而謂遠之賢而為之乎說者又謂遠與巡分城而守而城之陷自遠所分始以此語遠此又與兜童之

見無異人之將死其臟腑必有先受其病者引繩而絕之其絕

見無異人之將死其臟腑必有先受其病者引繩而絕之其絕
必有處觀者見其然從而尤之其亦不達于理矣小人之好議
論不樂成人之美如此哉如巡遠之所成就如此卓卓猶不得
免其他則又何說當二公之初守也寧能知人之卒不抹棄城
而逆遁苟此不能守雖避之他處何益及其無救而且窮也將
其創殘飢羸之餘雖欲去必不遠二公之賢其講之精矣守一
城捍天下以千百就盡之卒戰百萬日滋之師蔽遮江淮阻遏
其勢天下之不亡其誰之功也當是時棄城而圖存者不可一
二數擅強兵坐而觀者相環也不追議此而責公以死守亦見
其自比於逆亂設淫詞而助之攻也

宋

史徽字洵美勤苦力學崇寧五年登第歷戶部郎中出為京西西
運判徽宗下罪已詔罷京西逋賦徽悉焚其租籍進右司郎中

疾免高宗初起司農少卿建炎三年扈駕京口同黃鶚遇害贈
左大中大夫右文殿修撰子龜年均年岑年其龜年岑年俱官

員外郎

揚由義字宜之開封將家子建炎初父奉直以裨將扈駕臨安充

安撫司官兀朮犯郡奉直捍敵經旬城破由義侍母謀令人避
地蓋官金兵至謀令人携女沉運河中由義被執時十七金人
解衣衣之日侍兀朮由義思圖之書數十紙某官楊奉直子藏
之柱隙求匕首不可得貸所善小番次日至壁門則不容入後
自秀州遁復執累日而返漕薦不第吏部郎朱松廷誨子熹奉
直以修武郎致仕由義補承信郎詞翰典麗游從皆名勝後調
臨安贍軍酒庫課羨轉修武郎隆興初金求唐鄧海泗之地盧
仲賢奉使辱命由義請行以閣門祇候為金國通問所審議官
至金營折使拜元帥不屈曰本朝宰相無拜禮此膝詎易屈耶

至械繫月餘及歸遷通直郎制日黑肱之為子木先冀獲成言之信鄭象不對單于拜蓋其自誓之堅至太府卿刑部侍郎卒里第朱熹嘗曰忠義大節夷夏稱歎欲銘墓未果

楊九鼎字叔鎮由義之子因父任入官帥襄漕夔有善政後易利

漕帥天漢金刻大散關九鼎疾驅駐河池縣復大散關又復阜

郊殺金元帥完顏何璘金大憤益發兵至會蜀帥招潰卒至雞

公嶺復叛遇害贈朝散大夫

元



龔瑾性慷慨慕義任

知殉節英安國寺後詩稿散佚不傳其

題蒼雪軒月浸蒼龍骨雲分翡翠釵九疑愁正斷清夢到書齋

明

呂忠字誠正世守禦所副千戶正德八年姚源盜王浩流劫浙東

檄忠往入辭其母語妻鄭氏曰汝善事之吾不暇內顧矣屯開

化之華草盜突至部卒以敵堅請避之忠怒力斫其背曰朝廷
養兵百餘年遂負之哉直前搏賊射殺數十人孤力遇害贈正
千戶世襲

林文貴本黃岩騎兵事呂忠從征忠死戰衆奔潰文貴疾聲呼曰
毋負主將獨挺長矛刺賊被擒不屈怒罵曰我國家命軍詎從
賊遂縛樹上剜心腹死



董灃

風酸日薄牙旗倒華草溪腥流血曉林生被縛心如鐵膝不可
屈頭可截罵賊高聲箭滿身續得景卿千古舌古來監官重豪
傑睢陽之風猶慄烈主公呂侯同死節一介草莽復誰說嗚呼
施全亦側微吳山香火今猶熱
姜楫守禦所百戶嘉靖三十二年從官軍擊倭海鹽城東死之事
聞贈副千戶世襲

祝淵開美崇禎癸酉貢士壬午寓長安聞左都御史劉宗周下獄

祝淵開美崇禎癸酉貢士壬午寓長安聞左都御史劉宗周下獄
慷慨上疏乞宥不聽放歸尋被逮甲申三月出獄而長安陷護
太常少卿吳麟徵之喪以歸明年江南不守時抱病急遷母葬
閏六月五日扼吭而絕絕命詞曰中心安焉謂之仁事得其宜
謂之義淵家累葉洪武以來沐朝廷教養二百八十年成化以
來受朝廷榮寵一百七十年一旦天崩地折宗社為墟雍雍文
物淪為異類淵不能吞炭漆身報明恩于萬一顧渙忍惟怯而
異類乞活心所安乎不安乎事之宜乎不宜乎嗚呼學道有年
粗識義理吾何求焉吾得正而斃焉斯已矣囑弟曰昔年上書
言事極詆貪生怖死諸臣今日顧身為之辱莫大焉吾弟曰食
其祿者死其事非兄之責也嗟乎諸生非上書之人名之所在
攘臂而先之草莽有無逃之誼害之所在縮首而避之此狗彘
之所羞為予不再計矣或勸予恥為之民祝髮遠遁游方之外

可也嗚呼吾聞用夏變夷未聞變于夷也釋氏髡首胡跽此戎狄之教也癸酉之捷非予志也沒後不得稱孝廉埋石不得某科中式書旌明草莽小臣祝淵樞勿違吾言以貽地下之恨

乙酉三月焚巾衫敬賦

咫尺天威凜風霜至教親如何國士遇還共大仇隣纓縷多承寵儒冠豈誤身無聊空一擲此意與誰論

人間三月恨千古伏誰伸鞶帶新恩重榛苓舊思頻偷生慚士義不殺頌皇仁脫幘追元亮長歌隴畝民

進禮退義至訓具陳一朝夢覺吾還吾真青袍色絢投畀烈燄違義而榮守義而賤賤乃至寶榮非所羨維義不干吾心則安葛巾白練隴首盤桓庶幾乎俯仰之無愧而造次之必端也歎

乙酉六月晦日詩

夜既央兮燈火微魂搖搖兮魄將離離去兄弟兮父母依樂道

遙兮長不歸

死忠死孝尋常事吃飯穿衣人共由莫向編年問知否心安理得更何求

俞元良

崇禎癸未進士授沁州守會國變未赴己改授新寧

州乙酉夏江南不守會諸郡起義越人熊汝霖引眾至邑促元良治餉方料理儲峙七月丁巳北兵陷城遂同其兄諸生元良遇害

蔡國瑛朱大綱許

並守禦所千戶乙酉閏六月起義守城

許任游徼慷慨奮躍然民兵烏合猝值敵駭潰蔡挺刀力

死閭門遇害朱投安國井中許被執罵不絕口死于翁家埠

周宗彝崇禎丙子舉北雍慕義敢任甲申聞變即募貲治硤石鎮

關隘以杜奸孽明年同眾號召子弟有枕戈之志八月望北兵

奄至而潰舉家溺園池中弟諸生啟祥手擊數人中流矢死周

氏之家覆焉事雖不成奮身犯難或可原其心矣

文苑

晉

館

于寶字令升先世新蔡人大父充吳奮武將軍都亭侯父瑩丹陽
丞徒家監官寶少勤學博覽書記初拜著作郎平杜弢功賜爵
關內侯江左草創中書監王導薦領國史以貧求補山陰令遷
始安太守王導署司徒右長史歷散騎常侍著晉紀自宣帝至
愍帝五十三年凡二十卷書事婉直咸稱良史性好陰陽術數
撰搜神記二十卷劉惔曰卿可謂鬼之董狐其註周易周官左
氏義外傳雜文集俱行世

唐

浙

顧况字逋翁至德二年進士志尚疎逸善柳渾李泌德宗時渾拜
相辟秘書郎泌拜相遷著作郎坐詩累貶饒州司戶况工文兼

長小筆嘗求知新亭監曰欲貌寫海中山耳仍辟畫者王默為
副任半年解綬去後居茅山號華陽真逸年九十卒皇甫湜序
其集二十卷嘗曰自吾為顧况集序未嘗許人也其為名流歎
重如此子飛熊有父風

元

朱圭字肅齋元慶元路學錄學行著聞一時名公碩輔多所推重
尚書宣城貢帥泰避地海寧關東野草堂延致教子鏊卒為巨

儒

明

朱鏊字質夫國初授錢塘訓導薦升崖州寧遠知縣有惠政海

寧志特書為文人第一

題朱學錄送行詩卷

中朝諸老凋零盡一讀遺詩感慨多萬里還家猶俎豆十年為

貢帥泰

客尚干戈秋風海東雲帆舉春水西湖畫舫過此去太平應有
象杏花深處聽弦歌

送朱質夫寧遠知縣

貝瓊

萬里番禺自漢通乘槎有客氣如虹地介銅柱風烟外山涌瓊
臺雪浪中帝子旌旗何處問黎人衣服與時同興來好和蘇公
語又度西南月半弓

重過東草堂有感

上虞謝肅

桃源久不到草屋半蕭疎鷗佔沉舟浴蟲分破壁居僕温攜到
酒隣送賣殘蔬未說干戈事黏窗且讀書

題小桃源卷

金華宋景濂

聞說桃源路久迷世人長覓武陵溪不知自有神仙境只在海
昌湖水西

送朱質夫之寧遠

括蒼劉基

仙槎八月泛天河兩鬢飄蕭爽氣多海角晴光收瘴霧詞明夜

仙槎八月泛天河
兩鬢飄蕭爽氣多
海角晴光收瘴霧
詞門夜色起夷歌
枳叢百里淹仇覽
銅柱千年羨伏波
雲路同升殊
都門分袂奈愁何

題景初花鳥圖

會稽楊維禎

東風掃紅雨
春滿桃源洞
山禽啼一聲
喚醒劉郎夢

題朱蕭齋山水畫

括蒼劉基

鄂渚輕舟未發
瀟湘倦客多愁
可恨一江春水
無情日夜東流
胡奎字虛白
著才名揚
廉夫貢泰甫
器重之嘗過
望湖亭和蘇子
瞻詩有老人
觀壁問所題
歎曰六百年
來無此詩矣
君非斗南
先生耶言訖
忽不見故人
稱斗南先生
寧猷王聞其
才聘為府
教授七年
病篤作葵
頌命子進
于猷王王
序其集行
世金陵童
尚書軒言
奎泊舟采
石江上
值李太白
與倡和
或即前
聞附會
之也望湖亭
鷗外清波
雁外山
望湖亭
下繫歸
船夜深
坐起占

風信人在珠官月在天
楊妃教鸚鵡誦心經
春寒郊酒睡初醒
笑倚東窗小玉屏
早悟眼前空是色
不教鸚鵡誦心經
綠珠墜
樓花飛金谷彩雲空
玉笛吹殘步障風
枉費明珠三百斛
荆釵那及嫁梁鴻
江邊柳朝送木蘭船
暮迎征馬鞭亦知離別苦
生長在江邊
北上行
食蜜不知苦
衣葛不知寒
今晨出門去
方知行路難
驚飈吹斷蓬沙磧
何漫漫羸馬縮如蝟
霜花大如錢
夜步黃河凍舟行不得前
君賜輓轡轉我腸
車輪盤王事有嚴程
公公勿憚煩
弯弧落旄頭
飛箭定天仙
會賦鏡歌曲論功萬里還

賦石井送吳稅使還鄉

浙

頭白烏啼井上桐
花落盡夜來風
愁見還鄉吳季子
恨無縮地馬
仙翁輓轡聲裡腸
應斷天柱峰
頭思不窮
試把丹泉分一掬
慈顏猶得駐春紅

答謝友人

小東門外野人家昨夜青燈定結花
一片碧雲空在望半規明月可能賒
杖扶紫玉過眉瘦巾裹烏紗墊角斜
明日更須來看竹山瓶汲水自煎茶

盤餐粗糲笑貧家賴有東園墾粟花
野水白鷗情可憫海天黃鵠志何賒
直須放浪超形外一任留連到日斜
向自期看洛神賦十三行畔坐分茶

寄賈彥德

鳳凰岡頭多碧梧穎川之人安好無
十年不寄一書札兩地相思惟爾吾
淮雲幕幕莫天遠楚水茫茫秋雁孤
想得臨池有佳處軟黃壘紙寫官奴

次顧友常見寄前韻

丹井前頭顧况家子規啼處落松花
憐予抱病烟霞久與子論

交歲月賒海燕雨深茅屋小江魚潮上石帆斜有懷只許詩傳
信相見惟應酒當茶

出郭訪賈惟敬不遇

出郭行吟野老家桑條生篋棘生花別來似有三秋隔到此曾
無二里賒白鳥隨人頻往返黃茅蓋屋半歌斜遙知去汲烏龍
井細歎菩提寺裡茶

送侄從戎雲南兼東居椽史

我祖自南渡世為鹽官人家傳安定譜子孫多縉紳嗟汝英妙
年從戎萬里道斷蓬離本根骨肉豈相保憶汝別家日病婦在
膏盲小妹應門戶兩女纔倚床一年一得書見書如見汝蹉跎
十五年閱盡寒與暑昨者奉軍帖倉卒暫還家兩女上堂拜不
識去時爺朝紡木棉花夜織機中布裁為身上衣夢繞天南路
天南有名將去是漢嫖姚威聲振夷夏勲業著皇朝汝今向前

去忽戀故鄉住生入玉門關會適有奇遇烏啼東海樹落月在
城頭送汝北郭門霜花滿征裘千金買寶刀豈若聊城箭魯連
個儻生何曾歎貧賤洞庭秋水落三峽夜猿哀船過瞿塘口還
經灩澦堆嚴城不可緩別去關山遠縮地恨無方我腸輓轡轉
轅門有知己遠惠白象梳瓊瑤無以報為我謝區區

題馬公肅墓池瑞蓮

種花莫種無憂草馬家池頭花更好去年一柄生兩房兒在穎
川歸故鄉兒歸見花不見母一寸心如蓮苗苦也知天與好兒
孫戢戢青頭聯牖戶么荷恰似小兒拳迎門索棗當母前勸兒
食蓮須食蓼辛苦讀書知味少願花並蒂年年開一鶯夢裡聲
笙歌前殿夜教妾若為情墨竹舊游荆楚弔湘娥翠袖娟娟映
碧波夜靜忽聞瑤瑟怨滿蓬秋影月明多仙源圖仙家寂寂洞
房開鶴伴孤雲去不還只有桃花留不住遠隨流水到人間早

春曲

青樓昨夜東風轉錦帳凝寒覺春淺垂楊搖綠鶯亂啼裊

裊鶯花不堪剪博山吹雲龍腦香銅壺滴愁更漏長玉頰啼紅

夢初醒羞見青鸞鏡中影儂家少年愛游逸萬里輪蹄紅無迹

朱顏未衰消息希腸斷天涯草空碧塞上曲戰馬聞笳鼓橫行

出塞門陣雲凝隴黑殺氣入邊昏決策平胡虜捐身報國思猶

慚漢公主萬里嫁烏孫送駱奉入蜀者兄回首鴛原感別離遠

携書劍上巴西雲深蜀魄呼名語月冷猿聲向客啼諸葛祠堂

春草沒杜陵茅屋夕陽低相思亦有南來雁莫道音書懶醉題

湘南懷古江山搖落獨登臨草色湖南入望深萬古空留湘女

恨九歌誰識屈原心霜侵楚畹蘭香歇雲暗巴陵雁影沉正是

客懷浦不得竹枝聲裡斷猿吟和沈愚閩門竹枝詞此地吳山

舊市朝空遺衰柳日蕭蕭行人不用頻回首煬帝宮前寂寥裊

裊烟絲拂畫橋紛紛春日上長條館娃宮女能相妬莫向東風

學舞腰拂水搖烟積翠深閨閨城外畫陰陰花飛便作浮萍草

學舞腰拂水搖烟積翠深
閭閻城外畫陰陰
花飛便作浮萍草
恰似看花兒又來

寄東岡賈徵君

三月三日雨晴初
東望東岡無鯉魚
杜陵愛酒自多債
太傅治安還有書
洛中牡丹少閑地
江子燕子識吾廬
木蘭舟擁桃花水
頗悟近來踪跡稀

朱祚字永年夙惠天授九歲能詩即補諸生有監司行部命解孟氏義講論詳敏時稱為神長善楷書永樂八年徵肄詹事府尋為鎮遠候家塾教官乙未進士上元觀燈賦上喜而賚之由是知名洪熙初用尚寶少卿表忠徹薦擢行在中書舍人宣宗見其詞賦處之近密特陞翰林修撰秩滿進尚寶司少卿命教中貴人書祚能詩文援筆立就負氣好直言不恤毀譽晚稍自懲因號默齋且善談命言人禍福多中云正

統十年正月卒官有雪崖集行世

朱煙與誠祚之子嘗隨父謁宣宗于南城齋宮因命于文華殿

內同諸中貴講學舉懷才抱德授中書舍人歷太僕寺丞

蘇平字秉衡幼穎特嘗詠繡鞋南陌踏青春有跡西廟步月夜無

聲人稱為蘇綉鞋長好遊適薦賢良方正不就嘗論詩貴心平

氣和如高太史啟詩雖工多心不平氣不和惟夜聞吳女誦經

一律心平氣和今雪溪集行世姑蘇臺吳王霸業雄且強吳王

宮中白日長尤物初來越溪女蘇臺高走天中央感感春山裁

白苧粉黛三千樂歌舞夢入巫山雲滿衣睡起花枝日當午臺

也何人窈高位諫諍無人益驕恣扶目那知國士忠捧心詎識

妖狐媚半夜聽歌酒半醒越兵尋已下吳城西施復逐范蠡去

泰伯宗社俄摧傾香徑蕭條入平野昔日綺羅成土苴烏啼夜

月廢城頭鹿走春風舊臺下臺下蒼烟迷故丘臺前江水主今

流多情惟有聞門柳落日空含萬古愁白華詞館娃宮中露花

流多情惟有閨門柳落日空含萬古愁
白苧詞館娃宮中露花
冷月落啼鳥散金井吳王扶頭酒未醒
秉燭張筵樂清景美人
不眠憐夜永起舞亭亭亂花影新裁白苧勝紅綃玉珮珠纓金
步搖回鸞轉鳳意自嬌銀箏錦瑟聲相調君恩如水流不斷但
願青青同此宵東風吹花吹庭樹春色推人去
大家為懽

頃刻銅龍報天曙

秋日書懷

十年京國敵貂裘萬事無成

已倦游客裡青衫司馬泪天涯
明月杜陵愁秦淮烟暝砧聲夕

楚澤雲深雁影秋南望故園歸未得
懶將詞藻賦登樓

班婕妤好

一自辞同輩深宮草又坐甘隨
統扇棄猶記玉階行明月愁中

影流儂家蕩子心

旅次青明

萬家烟樹散啼鴉上國青明好物

華滄海幾回驚節序東風隨處見
鶯花山迴鳳閣雲邊出柳帶

龍旗雨外斜欲醉芳樽消客况
鷓鴣聲落日在天涯

秋晚述懷寄蘇秉衡

崑山

沈

愚

西風臨望極南天楚客思歸倍黯然雲樹遠連秋浦路塞鴻初
度秣凌烟半江明月聞寒笛荒渚孤燈泊夜船遙憶長卿詞賦
好異鄉應得故人憐

郊君秋晚有懷蘇雪溪

半生踪跡歎蹉跎對景其如感慨多浮世交游黃葉散故鄉烟
水白雲多樹啣斜影低臨日風送歸鴻早渡河念爾貂裘猶在
客後時應付式微歌

蘇正字秉直淹貫經史同時湯胤勳劉溥鄒亮晏鐸王淮沈愚沈
魯甘瑾蘇氏兄弟稱吳下十才子張中楷有浙詩門徑未荒蕪
獨賴芟除有二蘇所著雲壑集行世門人張太守寧表其墓曰
嗚呼先生學可傳而才不見用德可久而壽不甚遠蓋其所欲
者人也所不能者命也能其所能而已焉者世也文章寔關世
運人豈能違之別詩青青南浦草游子傷遠離握手岐路側對

酒難為辭與君結同心十年猶一時况當千里別去去各天涯

馳此菀結心日月長相思天地終無窮人事多乖違努力樹聲

名千戴當時期擬陳伯玉春夜別友人綺席管絃清春宵絳燭

明山川縈去騎尊俎對離情月向藏銀漢天回轉玉衡鷄鳴催

曉發迢遞洛陽城南州有贈天路無期到春湘帶恨流乱山愁

對酒落日獨登舟書劍憐同客江湖耐薄游離心寄明月相逐

遠悠悠秋日登臨海外寒雲暝不開望秋開上夕陽臺江流東

去疑天盡山氣中浮覺雨來綠水平蕪孤鳥下白雲空去斷猿

哀臨高漫有滄州想愁向西風見雁回

寄蘇先生

祝淇

西風倚棹問歸程詩酒應多慰別情黃葉疎鐘溪上寺白雲孤

角海邊城鷗飛烟渚連秋色雁下寒塘起暮聲回首天涯嗟落

莫夕陽歸路萬山晴

張洙文東童時日記數千言屬文煥麗時謂王子安復生也辛卯
舉于鄉時尚未冠聲動縉紳世父負官錢數百十洙議賣產償
之或曰若交當路可免也洙曰產易得耳節概不可失洙即飢
死不顧也故家益貧所善友童憲副漢臣方太守九叙饋餼不
受卒年三十三詩文俊爽有奇氣所著窮居集童憲副梓行於

世

陳雖字惟肅海寧人見南皮李騰鵬選皇明詩統葛嶺懷古山上
樓臺湖上船平章醉後懶朝天羽書莫報樊城急新得蛾眉正

少年

賈淦字本清海昌人洛陽道甲第多豪俠游行洛水濱鬪雞都市

晚走馬禁城春疎柳迎征旆繁花媚舞人歌鐘喧落日開宴五
候賓

沈友儒字

嘉靖戊戌進士授刑部主事遷員外郎預治西宮

沈友儒字
嘉靖戊戌進士授刑部主事遷員外郎預治西宮
之獄外補東昌通判轉揚州同知罷歸博極郡書日不釋卷第
嗜飲誕放官坐不達專事游覽名蹟僻詞縱步殆徧碑記題咏
今郡邑所至而有可以覘其人矣文品瑩暢惜後人不振至集
散佚可歎

郭子直舜舉隆慶辛未進士筮仕儀部以續婚悞舉炮聲震大內
謫懷二尉再起兵部督學嶺南進山西叅議福建副使歸而結
社稱詩有風人之致徧交當世作者聞望蔚起所著二經草三
游草中秋林草行世

朱象衡朗初太守有孚子僑居樵李以諸生稱詩刻意風雅漢魏
三唐啜醴入奧駸駸作者之室所著春雨編

官蹟

吳全琮字子璜父柔舉漢孝廉補尚書郎右丞董亂棄官歸錢塘
徒桂陽太守嘗使琮齎米數千斛到吳市易琮中途給人空船

而返頓首曰所市非急而士大夫有倒懸之患故便賑贍不足
及啟報柔更奇之時中州士人避亂而南依琮者以百數琮傾
家給濟與共有無遂顯名遠近孫權以為奮威校尉授兵數千
使討山越因募精兵萬餘人出屯牛渚稍遷偏將軍二十四年
關羽圖樊城襄陽琮上疏陳羽可討孫權時已與呂蒙陰議襲
之恐事洩故寢其表及擒羽權置酒公安顧謂琮曰君前陳此
孤雖不相答今日之捷抑亦君之功也于是封華亭侯黃武初
魏水軍大出洞口權使呂範督諸將禦之敵以輕舟數鈔擊琮
嘗帶甲伏兵伺敵數千人出江中琮擊破之梟其將尹廬遷琮
綏南將軍進封錢塘侯假節領九江太守吳會山民寇掠屬縣
權分三郡險地為東安郡琮領太守時治富春明賞罰招欵附
數年中得萬餘人遷徐州牧尚公主嘉禾初督騎五萬征六開
其民散走諸將欲捕之琮曰分兵捕民得失相半縱有所獲猶

其民散走諸將欲捕之琮曰分兵捕民得夫相半縱有所獲猶

不足以弱敵如或邂逅虧損非小琮不敢邀功以負國也赤烏
中遷右大將軍九年擢大司馬卒琮身既親重子弟寵貴然謙
虛接士貌無驕色子懌嗣封臨湘侯

按全柔錢塘人琮嘗居赤兔嶺合公主葬長安鎮則自錢塘徒
鹽官無疑

宋

書

郭知運字次張嗜學砥行弱冠登紹興二十一年進士甲科秦丞

相擢強姻不就仕至荆門守乞休自號息庵老人所著猥稿四

十卷陸游避署後抄秦檜之有十

明

客郭知運以離婚為逐客

江

許懋字國器才識豪邁生當元季發粟賑飢嘗充萬戶長漕海入
大都授杭州路治中不就流寇逼境倡義兵拒却之事聞于朝
復授前任終不就

明興應辟丙午拜承事郎海州同知在官六載以績著洪武辛亥年入覲卒于旅舍祀海州名宦

李貞字大亨邑諸生建文元年赴京上用兵方略

上壯之命宴光祿司授湖廣道監察御史壬午革命歸隱臨平

山中成祖即位謫佃玉田宣宗立知其名召拜揚州守持

勅旌其忠直在任三載孜孜民隱章累百上惠澤甚著攷續入

覲乞休謝還諭上曰知府俱無勅其留之以示子孫貞歸老家

徒壁立守正以終祀鄉賢

談遷曰薛文清瑄年十二能詩賦從父貞為元氏教諭永嘉徐

懷玉高密魏希文濟南王泰亨海寧李大亨范汝舟皆元舊儒

謫戍玉田貞禮為瑄師于是豁然大悟悉去其詩賦而從講伊

洛之學文清一代大儒亦吾寧有以啟之第不知范汝舟者果

何人也賢者聲名不傳誠可深惜特附記大亨傳未并見大亨

之正學非獨宦蹟已也

孫子良字

少游表伯善胡虛白之門永樂甲申進士選庶常

預修永樂大典八年遷兵部武選郎中成祖北寺媒孽謫交

趾

吏目夷氓不學子良濡以德教洪熙初拜交趾叅議

會黎利叛止于蒼梧北還改河南晉山東右叅政治河乞休少

喜治詩出入唐宋間所著螺城某行世交趾古螺城有螺池古

安陽王洗珠處

胡人挽弓圖

文胡戰罷靜胡塵更有何人放馬

群獨挽雕弓莫回首雁門還有李將軍

擬唐宮人入道乞得君

恩許出家宮人易盡入烟霞受恩飛燕無勞妬賣賦文園更莫

誇便瑤擬池迎絳節更從勾漏問丹砂春風幾處星壇上看徧

碧挑千樹花

鞦韆詞

洛陽人家重寒食庭院鞦韆高百尺綠嬾

嬾分兩邊畫板粧成五彩色閨中女兒最少年三三兩兩笑且

喧蟠巾結帶重整束決意爭勝垂楊前羅裙飄飄方欲動身輕

那用旁人送乍疑舟壑飛瓊仙復訝青天來彩鳳須臾暫定忽
下來雙鬟掩亂烏雲開回身復自繫羅襪流汗但覺香滿懷起
來殷勤語同伴蹴踏應須論教徧翩翩若與飛鳥齊賭却鳴璫
不容換

沈升字志行永樂甲申進士選庶吉士預修制書如五經四書性
理大全佐筆剛定常叅贊薊鎮軍務劾奏太監劉通不法事賜
金幣尋陞太僕少卿好獎拔士類凡文武才可用者亟以聞然
皆不負所舉故服其鑒卒官遣禮部主事林璧諭祭葬白鶴亭
後

孫璋字景章叅政子良子子良謫交趾生璋北江傳舍十歲隨登
泰山王方伯命詩立就門前駐紫騮我欲起春游岱岳峰頭去
披雲眺九州景泰壬申薦賢良方正授泰和丞奉職循理不徇
豪右民苦徭役璋頃刻裁定請托不及行人稱為霹靂手目其

榜曰鐵榜言至當不易也遷電白令邑人牛禱輒獻首卻之從
韓雍征藤峽有功超守潯州興學賑飢威惠大行屬縣多嘉禾
不以聞進山東右叅政致歸年九袞子武卿弱冠登進士

姚哲字文明正統乙丑進士授雲南道監察御史風采凝峻按楚

刻治藩臣不法人避其騶終

按察副使

徐寬字粟夫號容齋晚號醉陶居士先黃岩人少從鄞縣楊太宰

守吐游學大道博覽群籍成化庚子舉鄉明年辛丑進士授營

繕主事理臨清磚廠三載改祠祭主事弘治戊申歸者尋憂居

築園游息觴詠或勸之出不應年五十四馳疏致仕性孝友封

公歿盡推其蓄事二弟歲周親故之貧者塾師費歿助嫁其女

又某氏負進欲償女為妾竟免其逋禮遣之弘治甲子五月卒

年六十一亡子葬城西所著醉陶詩集行世子海登進士

祝莘字惟貞成化甲辰進士釋褐刑曹徙工部從徐侍郎貫治渠

江南遷虞衡員外郎嘗上章請親理儒臣再不報即歸省正德
初起陝西督學副使歷廣東右叅政醇謹端素里居教授晨興
課督至夕色莊而和時人競游其門捐館日學者私謚文惠先
生所著禮經私錄宋元史詳節子繼臯進士官兵部主事

寄祝員外惟貞

孫元一

陳善曰君子不死于盜賊原博之死不幾于草草乎夫事固有
不可測者原博身夷三郡之變威德在閩深矣單身諭賊蓋其
所嘗試者也當是時危機方急諸大夫易服亂亂原博凝然中
立此必有自信者臨難不避罵賊而死嗚呼可謂莊節矣

許元奎文華弘治壬戌進士初甚貧攻苦力學大母望之峻曰不
登第不娶果如其言年三十始娶授工部主事權楚稅織毫不
私調刑部卒官今祀鄉賢

陳珉

以歲薦歷河南布政司理問守文無害澡身飭後不

歸來光範門書策不須論
日日自幽事清泉在小園
鳩鳴開竹閣月曉過梅村
隣父時時會壺觴笑語溫

查約字原博弘治壬戌進士
筮任南刑曹歷福建僉事屬
早疫悉力撫循閩卒多驕
延平邵武暨福州軍相繼
違背單車諭之無敢譁
遷山西按察副使艱去補
江右公廉如故操雪一疑
獄進福建叅政至左布政
使令諸司錄各納穀備賑
俄候官囚逸賊相戒毋犯
查使君倉卒遇害時嘉靖
元年月而巡撫山東右
僉都御史之命下閩人痛
哭立祠九年諭葬所著明
齋集同流俗祀鄉賢

毛鵬 孤窮力學制行端慎
負太學歷袁州通判不失
其守祀鄉賢

許相卿字台仲正德丁丑進士
授兵部給事中嘉靖初上書
言事大閹張銳張忠既論而
贖張欽舍人李賢襲錦衣衛
指揮林司

寇俊被螫相卿爭之力尋自免邑具驕從如常辭曰吾乘軒擁
蓋揚揚出里中使父老走匿旁舍謂桑梓何吾業里居毋徒患
苦父老為也隱紫雲山中不跡城市王陽明湛甘泉諸先生雅
慕重往還劇切夏文愍遺之詩九杞山人不出山不將一字落
人間已亥召補禮科不拜所著華朝志雲村集貽謀四則行世
子聞道遣貴州道御史

訪許台仲九杞山中



孫一元

幽谷經年到樽壘十日留柴門河月動木榻海雲流共愛名山
隱難忘帝國憂何時解朱紱取醉話滄州

讀許村先生小傳有述



于慎行

紫雲峰下石為問尚想幽人舊隱居避俗青春違禁闥移家白
首寄樵漁名標吳國先賢傳手校西京太史書此日
草臺郎封事滿公車



草臺即封事滿公車



浙江圖書館

浙江圖書館善本

甲登記號：007941

一九 年 月 日




浙江圖書館



浙江圖書館




浙江圖書館



浙江圖書館



浙江圖書館



Inches

Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black